

UNANA ERIKAN EMI ODUDE KE EDINEN IDO IDEM OWO

Ñwed Mbon Rome 7: 1-25

QYQHỌ UKPEP-ÑKPỌ 386

Eke Mkparawa

IKỌ IBUOT: “Ntem edieke owo odude ke Christ ema ebote enye obufa; ñkani ñkpọ ema ebe efep, Sese, emekabare edi mbufa” (2 Ñwed Corinth 5: 17).

Nti Utom

Ediwak owo ke ererimbot eyom ndidu nti uwem. Mbon inyene ke ediwak ini enọ ediwak okuk mmọ man eñwana enam uwem okusọñ ye mmọ efen. Ndusuk owo idighe ibuk ke abañā ini ye ukeme mmọ, edi eyenam ọkpọsọñ utom, inyuñ ibọhọ okuk, man eñwam owo emi odude ke unana. Ediwak esin idem ke utom ufọk Abasi enyuñ ekere ete ke mmimọ inam ñkpọ inọ Abasi. Edi kpukpru emi ikemeke ndinam owo aka Heaven, edieke mikpuhọkere esit.

Ke eyen amanade, uduot idiọk-ñkpọ odu ke idem esie. Nwọrọ-nda uwem iyaresit ye nsọñ-ibuot eyewọrọ owut idem ke ini enye osuk edide ekpri eyen. Idiọk uduot emi ke etiñ ebaña ke Ñwed Abasi ete ke edi uduot obukidem, okonyuñ osim kpukpru owo ke ini Adam akanamde idiọk-ñkpọ ke iñwañ. Iduhe usuñ nte owo akpanamde ke ofuri ukeme esie ndifara idemesie ke enye ama okokpon owo, uduot idiọk-ñkpọ osuk ododu ke esit idem.

Ke mme akpa isua uwem eyen-ọwọñ, enye idinamke ibatke ibat idiọk-ñkpọ emi enye anamde inọ enye. Ekeme ndidi ke owo itiñke mbet Abasi inọ enye, ñko edieke ekpetiñde enọ enye ikpekenyeneke ubiom-ikpe idiọk-ñkpọ. Emi eneñere etim owut ke ido owo se edinọ ibet Abasi anamde ọnọ kpukpru uduot owo.

Ifiọk Idiọk-Ñkpọ

Paul, owo mbet ọkọdọhọ ete ke ibet mikoduhe emi etiñde ete “Kusin esit ke ñkpọ owo” ke imọ ikenyeneke ubiom-ikpe ke ndisin esit ke ñkpọ ọwo. Edi ke ini imọ ikekpepde ñkpọ ibañā se ibet ọwọrọde ndien ibiat ibet oro, imo ima inyene ubiom-ikpe. “Koro ifiọk idiọk-ñkpọ otode ke ibet” (Ñwed Mbon Rome 3: 20).

Mbet duop emi Abasi ọkọnọde ke obot Sinai ama eneñere etiñ ọnọ nditọ Israel se idiọkde. Ema edọhọ mmọ ete “Ku...” Edi odudu ikoduhe ke ibet oro ndikpan mme owo ekunam mme ñkpọ eke ọdiọkde.

Owo emi minyeneke erinyaña ekeme ndisọp nnyene ikañ ikañ iyaresit, oro ebete enye okop but emi anamde enye ọñwọñ ete ke imọ idiyatke aba esit. Enye ọdiọñ ete ke ọdiọk; nte enye oyomde ndinam se ifonde, enye ebere ete ke imọ idiyatke esit aba. Edi ini efen ñkpọ emi ọdiọkde otibe, iyaresit ọtọñ ntak edi. Enye ikemeke ndiñwam idem esie. Esit esie ọyọhọ ye idiọk-ñkpọ.

Odu ediwak inọ emi ekeyomde ndikpọñ ediyip inọ: edi ke mmọ enyenede mmem-mmem ifet nditọñ ntak mmen ñkpọ, mmọ ikekemeke ndinyaña ndinam ntre. Udọñ ndinam idiọk-ñkpọ osuk ododu. Mmọ efen enyene utọ mfina emi ke ndisu nsu.

Odu ndusuk mmọ emi eyomde ndidi anditiene-Christ ke ini mmọ enyenede idiọk-ñkpọ ke esit. Ekeme ndidi mmọ idinamke añwa-añwa idiọk-ñkpọ emi edibiomde mmọ ikpe ke iso mbon efen, edi idiọk ke osuk ododu ke esit. Mbiba emi, eti ye idiọk emi edude ke esit eyom ndikara. Utọ mmọ emi inyeneke inemesit.

“Nti” owo emi edomode ndikan idiọk-ñkpọ ke Jesus miduhe ke esit mmọ idiọk-ñkpọ akakan mmọ kpukpru ini. Mmọ ebeñe Abasi efen idiọk-ñkpọ mmọ, edi enyuñ etọñ ntak enam kpa ukem ñkpọ oro. Ke mmọ eyomde ndinam eti, idiọk odu do. Mmọ ekpep Ikọ Abasi, edi nte mmọ ekpep uduak Abasi ntre ke mmọ edọdiọñ enyene mbọm ekan, koro mmọ mikemeke ndidu uwem nte Ñwed Abasi ekpepde. Ana nte mmọ edọhọ ye Paul ete “Mbọm mi, owo nditaha”.

Ubiom-ikpe Iduhe

Ndusuk owo etiñ enọ nnyin ete ke enye Owo-mbet eketiñ abañā idemesie nte owo emi enyañade ke ini enye ekewetde Ñwed Mbon Rome 7. Nso idi ntak emi utọ ndot-ndot uwem ye ubiom-ikpe okponde ke uwem owo emi ama ọkọtọñ ntak amana? Edi se ukpuhọre ke ikọ esie ke ibuot ñwed efen, ke enye ama akamana obufa. “Mmọdo ubiom-ikpe iduhe aba inọ mmọ emi edude ke Christ ndikan idiọk. Enye inyeneke

aba ubiom-ikpe idiok-ñkpọ koro enye minamke idiok-ñkpọ. “Nnyin imofioik ite, kpukpru owo emi Abasi okobonde inamke idiok” (1 John 5: 18).Jesus” (Nwed Mbon Rome 8:1). Esit enem enye ke emi. Ke emi enye ekeme

Mbet emi eketiñde se idiokde akakama ufen mkpa: “Nam, midighe kpa”. Edi, nso iditibe edieke owo mikekemeke ndinam? Paul okodohọ ete: “Koro se ewetde owotdewot, edi spirit ononọ uwem” (2 Nwed Corinth 3:6). Ke ini Jesus efende mme idiok-ñkpọ nnyin, Enye onọ nnyin odudu ndinam uduak Esie. Nnyin imobohọ isuñi nsinsi mkpa.

Jesus okodohọ ete: “Se itode ke obukidem imana edi obukidem: se inyuñ itode ke spirit imana edi spirit. Kuyik ke emi ndohode fi nte, mbufo enyene nditohọ ntak mmana” (John 3:6, 7). Obufa emana oro okpuhore esit. Nnyin ndien imenyene emem ke esit. Spirit ndien edi ntiense ke nnyin idi ndito Abasi. Nnyin imotohọ obufa uwem. John, owo-mbet ama odohọ ñko ete, “Nnyin ida emi ifioik ite, nnyin idoduñ ke Enye, Enye onyuñ oduñ nnyin ke idem, koro enye ama okonọ nnyin udeme ke Spirit Esie” (1 John 4:13).

Edikpa Nworo Ke Ibet

Paul, owo-mbet ama anam akwa ubahare ke ufot uwem eke edomode-domo ndinim ibet ke mibohọ erinyaña ye uwem erikan emi anditiene-Christ enyenede. Enye akada emi odomo ye idaha ndọ. Nte mme ukpep-ñkpọ Nwed Abasi edide, ndọ enyene ndibighi adaña nte uwem odude. “Ke ntak emi owo eyekpoñ ete ye eka esie akadiana ye ñwan esie, ndien mmọ mbiba eyekabare edi obuk kiet. Mmọdo se Abasi ama akadian, yak owo okudianare” (Matthew 19:5, 6). Edieke Abasi okutde ñwan ye eren nte obuk kiet, owo ndidianare mmọ iduhe ke iso Esie. Edi edieke kiet akpade, nkpo iduhe ndibop mmọ otọ kiet aba. Owo emi osuhore atara ke mme uñwoñọ ndọ.

Mme Pharisee (mme okpono Abasi Jew eyo Paul) ema etim edomo ndinim kpukpru ñkani ido ye mme edinam ibet. Ke mmọ ema ekekabare edi mme anditiene-Christ esikere ediwak ini ete ke edi ubioñ-utom mmimọ ndinim ndusuk edinam. Paul okodohọ eteke ini mmọ ema eketohọ ntak emana, ke mmọ ema ekpaña eworo ke ibet, ke ntre ibopke mmọ aba ndinim mbet. Kpa nte ebe me ñwan atarade ke mme uñwoñọ ndọ ke kiet akpade.

Mme Ukpep-Ñkpo

Ukpep-ñkpọ ke abaña Ibet ama esida itie ke ini. Ke ini Paul ekewetde onọ mbon Galatia, enye ama etiñonọ mmọ ke ibet ekedi andikpeme, ndida mmọ nsok Christ. Mme ido edinam ekedi mbukpoñ ñkpọ emi etiñde enọ mmọ ebaña Jesus. Kpukpru mme uwa emi ekewetde ke usen ke usen ekewut Jesus emi edikpade usen kiet nte Eyi Erọñ Abasi. Kpukpru utom edinam-asaña, ediwak ediyet ofoñ ye mme usañ, ediyet idem ye edidianarede idem mmọ ñkpọñ mme ndedehe ñkpọ ekedi mbukpoñ ñkpọ, ndikpep mmọ ndidianarede ñkpọñ idiok-ñkpọ ndinyuñ nnam esit mmọ asana.

Ana enam esit nnyin asana ke iyip Jesus, idighe ke mme ido ediwa mme unam “koro edieke iyip ebot ye eke nyara enañ, ye ntọñ abak enañ, ekedade esime mmọ, emi edehede, anamde mmọ esana ke obukidem, ñwanwa-edinso ke Iyip Christ, emi ke odudu nsinsi Spirit akawade idem Esie onọ Abasi nte ata edisana uwa, ediyet esit mbufo, anam mbufo ebọhọ utom mkpa, enyuñ enam ñkpọ enọ Abasi uwem” (Mme Hebrew 9: 13, 14).

Mbufa Owo

Ido ukpono Abasi nte Christ ekpepde edi ukpono Abasi eke esit. Ana ekpuhore esit, eyet mme idiok-ñkpọ esioño edieke anade nte Christ ada nnyin. Baba idaha edu-ukpono ndomokiet idikwe unen ye Abasi, edieke Spirit Abasi miduhe ke esit emi anamde nnyin idi mbufa owo ke Christ Jesus. “Ntem edieke owo odude ke Christ, ema ebot enye obufa; ñkani ñkpọ ebe efep: sese, emekabare edi mbufa” (2 Nwed Corinth 5:17).

John, owo-mbet ama odomo obufa uwem emi ye akani ke ndidohọ nte “Nnyin imofioik ite imoworo ke mkpa ibe iduk ke uwem” (1 John 3:14). Enye okonyuñ odohọ ete; “kpukpru owo emi Abasi okobonde inamke idiok” (1 John 5: 18). Edinwana iduhe aba, utọ nte emi Paul eketiñde ke ini enye odohode ete, “Koro nnamke eti ñkpọ eke odohode mi ndinam, edi idiok-ñkpọ eke midohke mi ndinam oro ke nnamam” (Nwed Mbon Rome 7:19). Oro edi akani uwem. Ke obufa uwem, nnyin idu uwem nte John ekewetde “Koro kpukpru owo eke Abasi okobonde ekan ererimbot; ndien emi edi erikan eke akakande ererimbot, kpa mbuotidem nnyin” (1 John 5:4).

MME MBUME

1. Nso idi ntak emi ekpři eyen esiwutde iyaresit ye nsõñ-ibuot?
2. Nso idi ntak emi ekenõde ibet?
3. Etie didie ye mmõ emi edomode-domo ndidi mme anditiene-Christ ke minyeneke erikabare esit?
4. Nso ke Paul eketiñ abañã ubiom-ikpe ke ema ekenyañã enye?
5. Inam didie ifiõk ini eke enyañade nnyin?
6. Ndõ ebighi adañã didie?
7. Siak ndusuk ñkani edinam Akani Ediomı emi edide mmembukpõñ ukpep-ñkpõ enõ nnyin.
8. Eda nso eyet esit nnyin?
9. Nso enyiñ ke Paul õnõ owo emi odude “ke Christ”? (2Ñwed Corinth 5:17).
10. Didie ke ikeme ndikan ererimbot?